

IPDC Finance Limited

**IPDC এর উল্লেখযোগ্য তথ্য এবং মূল্য সংবেদনশীল তথ্য
প্রকাশ নীতিমালা**

সংস্করণ: ০১

জানুয়ারি, ২০২৪

অনুমোদনের স্তর: পরিচালনা পর্ষদ
অনুমোদনের তারিখ: জানুয়ারি ০৩, ২০২৪

নীতিমালার মালিকানা: কোম্পানি সচিব
নীতিমালা পুনঃমূল্যায়নের সময়সীমা: ৩৬ মাস
পরবর্তী পুনঃমূল্যায়নের তারিখ: জানুয়ারি ০২, ২০২৭

সূচীপত্র

| | |
|---|---|
| ১.০ প্রারম্ভিকা:..... | 4 |
| ২.০ অনুগ্রহণ ও অন্তর্ভুক্তি: | 4 |
| ৩.০ মূল্য সংবেদনশীল তথ্য সরবরাহের উপর বাধা নিষেধ ও সরবরাহের পদ্ধতি:..... | 4 |
| ৪.০ উল্লেখযোগ্য তথ্য এবং মূল্য সংবেদনশীল তথ্য..... | 4 |
| ১। আইপিডিসি ফাইন্যান্স লিমিটেড এর আর্থিক অবস্থার পরিবর্তন সংক্রান্ত প্রভাবক | 5 |
| ২। আইপিডিসি ফাইন্যান্স লিমিটেড এর কর্পোরেট ঘোষণা সংক্রান্ত তথ্যাদি..... | 5 |
| ৩। আইপিডিসি ফাইন্যান্স লিমিটেড এর কর্পোরেট কাঠামো পরিবর্তন সংক্রান্ত তথ্যাদি | 5 |
| ৪। আইপিডিসি ফাইন্যান্স লিমিটেড এর পুঁজি কাঠামো পরিবর্তন সংক্রান্ত তথ্যাবলি..... | 5 |
| ৫। আইপিডিসি ফাইন্যান্স লিমিটেড এর ব্যবসা কার্যক্রমের সম্প্রসারণ, পরিবর্তন ইত্যাদি সংক্রান্ত তথ্যাদি | 5 |
| ৬। আইপিডিসি ফাইন্যান্স লিমিটেড এর ঋণ ব্যবস্থাপনা সম্পর্কিত তথ্যাদি..... | 6 |
| ৭। আইপিডিসি ফাইন্যান্স লিমিটেড এর ফান্ড ব্যবস্থাপনা ও কাঠামো পরিবর্তন সম্পর্কিত তথ্যাদি | 6 |
| ৮। অন্যান্য..... | 6 |

১.০ প্রারম্ভিকা:

আইপিডিসি ফাইন্যান্স লিমিটেড একটি তালিকাভুক্ত আর্থিক প্রতিষ্ঠান হিসেবে, বাংলাদেশ সিকিউরিটিস এবং এক্সচেঞ্জ কমিশন (BSEC) কর্তৃক প্রণীত সকল বিধিমালা, বিধান ও প্রবিধানসমূহ এর প্রতি অনুগত এবং পুজিবাজারের সকল সুবিধাভোগী পক্ষসমূহের নিকট উল্লেখযোগ্য তথ্যসমূহ বা যে সকল তথ্য কোনো যুক্তিসংগত বিনিয়োগকারীর বিনিয়োগ সিদ্ধান্ত গ্রহণের ক্ষেত্রে প্রভাবক হিসেবে বিবেচিত হইতে পারে সেসকল তথ্য, মূল্য সংবেদনশীল তথ্য হিসেবে প্রকাশ করিতে বাধ্য। অতএব, BSEC প্রণীত বাংলাদেশ সিকিউরিটিস এবং এক্সচেঞ্জ কমিশন (সুবিধাভোগী ব্যবসা নিষিদ্ধকরণ) বিধিমালা ২০২২ এর বিধি ৩(২) মোতাবেক এবং পরবর্তীতে ১১ ডিসেম্বর ২০২৩ এর BSEC এর আদেশ নং BSEC/CMRRCD/2021-396/70 অনুসারে আইপিডিসি ফাইন্যান্স লিমিটেড "উল্লেখযোগ্য তথ্য এবং মূল্য সংবেদনশীল তথ্য প্রকাশ নীতিমালা" প্রস্তুতকরতঃ নিজস্ব ওয়েবসাইটে আগামী ৩১ জানুয়ারী ২০২৪ তারিখের মধ্যে প্রকাশ করিতে বাধ্য।

উপর্যুক্ত প্রেক্ষাপটে, আইপিডিসি ফাইন্যান্স লিমিটেড, বাংলাদেশ সিকিউরিটিস এবং এক্সচেঞ্জ কমিশন (সুবিধাভোগী ব্যবসা নিষিদ্ধকরণ) বিধিমালা ২০২২ এর বিধি ৩(২) মোতাবেক ও তফসিল-ক অনুসরণ করে এই নীতিমালা গ্রহন করছে, যা "IPDC এর উল্লেখযোগ্য তথ্য এবং মূল্য সংবেদনশীল তথ্য প্রকাশ নীতিমালা" হিসেবে অভিহিত হবে।

২.০ অনুগ্রহণ ও অন্তর্ভুক্তি:

আইপিডিসি ফাইন্যান্স লিমিটেড, বাংলাদেশ সিকিউরিটিস এবং এক্সচেঞ্জ কমিশন (সুবিধাভোগী ব্যবসা নিষিদ্ধকরণ) বিধিমালা ২০২২ এর সকল বিধিসমূহ কে অনুগ্রহণ ও অন্তর্ভুক্ত করা হইল। যাহা অনুসরণ করে এই নীতিমালার ৩.০ নং নীতিতে বর্ণিত যেকোনো উল্লেখযোগ্য তথ্য এবং মূল্য সংবেদনশীল তথ্য আইপিডিসি ফাইন্যান্স লিমিটেড প্রকাশ ও সরবরাহ করিবে।

৩.০ মূল্য সংবেদনশীল তথ্য সরবরাহের উপর বাধা নিষেধ ও সরবরাহের পদ্ধতি:

আইপিডিসি ফাইন্যান্স লিমিটেড, বাংলাদেশ সিকিউরিটিস এবং এক্সচেঞ্জ কমিশন (সুবিধাভোগী ব্যবসা নিষিদ্ধকরণ) বিধিমালা ২০২২ এর বিধি ৪ অনুযায়ী যেকোনো মূল্য সংবেদনশীল তথ্য সরবরাহের উপর বাধা নিষেধ মূল্যায়ন করবে ও বিধি ৬ এ বর্ণিত পদ্ধতিতে যেকোনো মূল্য সংবেদনশীল তথ্য সরবরাহ করবে।

৪.০ উল্লেখযোগ্য তথ্য এবং মূল্য সংবেদনশীল তথ্য

নিম্নবর্ণিত উল্লেখযোগ্য তথ্যসমূহের (Material Information) মধ্যে বাংলাদেশ সিকিউরিটিস এবং এক্সচেঞ্জ কমিশন (সুবিধাভোগী ব্যবসা নিষিদ্ধকরণ) বিধিমালা ২০২২ এর বিধি ৩ এর উপ-বিধি (১) অনুযায়ী যে সকল তথ্যে তালিকাভুক্ত সিকিউরিটি বা ফান্ডের ইউনিটের মূল্য সংবেদনশীলতা রহিয়াছে বা যে সকল তথ্য কোনো যুক্তিসংগত বিনিয়োগকারীর বিনিয়োগ সিদ্ধান্ত গ্রহণের ক্ষেত্রে প্রভাবক হিসেবে বিবেচিত হইতে পারে সেসকল তথ্য আইপিডিসি ফাইন্যান্স লিমিটেড মূল্য সংবেদনশীল তথ্য হিসেবে প্রকাশ করিবে।

উক্ত মূল্য সংবেদনশীল তথ্য ব্যতীত নিম্নবর্ণিত অন্য সকল তথ্য উল্লেখযোগ্য তথ্য (Material Information) হিসেবে আইপিডিসি ফাইন্যান্স লিমিটেড উহার দাপ্তরিক ওয়েবসাইটে প্রকাশ করিবে, যথা:-

১। আইপিডিসি ফাইন্যান্স লিমিটেড এর আর্থিক অবস্থার পরিবর্তন সংক্রান্ত প্রভাবক, যেমন:-

- (ক) আর্থিক বিবরণীর পরিবর্তন, যেমন- আয়, ব্যয়, নগদ প্রবাহ, প্রাপ্য, দায় বা সম্পদ ইত্যাদির উল্লেখযোগ্য হ্রাস বা বৃদ্ধি ও অধিকাংশ বা উল্লেখযোগ্য সম্পদের পুনর্মূল্যায়ন বা উল্লেখযোগ্য হ্রাস-বৃদ্ধি বিষয়ক কোনো তথ্য বা বিবৃতি বা মন্তব্য;
- (খ) আর্থিক বিবরণীর নিম্নোক্ত তুলনামূলক তথ্যাদি:
 - (অ) শেয়ার/ইউনিট প্রতি আয়;
 - (আ) শেয়ার/ইউনিট প্রতি নীট পরিচালনাগত নগদ প্রবাহ;
 - (ই) শেয়ার/ইউনিট প্রতি নীট সম্পদ মূল্য;
- (গ) ইস্যুয়ার অথবা ফান্ডের সম্পদের মূল্য অথবা সম্পদের সংমিশ্রণের উল্লেখযোগ্য পরিবর্তন;
- (ঘ) প্রতিভিন সংরক্ষণ সম্পর্কিত সংশ্লিষ্ট ইস্যুয়ারের নিয়ন্ত্রণকারী কর্তৃপক্ষ কর্তৃক কোনো বিশেষ নির্দেশনা বা পূর্বে প্রদত্ত কোনো বিশেষ নির্দেশনার কোনো পরিবর্তন; এবং
- (ঙ) ইস্যুয়ার অথবা ফান্ডের একাউন্টিং পলিসির কোনো পরিবর্তন, ইত্যাদি।

২। আইপিডিসি ফাইন্যান্স লিমিটেড এর কর্পোরেট ঘোষণা সংক্রান্ত তথ্যাদি, যেমন:-

- (ক) লভ্যাংশ সংক্রান্ত যে কোনো সিদ্ধান্ত;
- (খ) সিকিউরিটিহোল্ডারগণকে রাইট, বোনাস ইস্যুর ঘোষণা বা ইস্যু করা বা অনুরূপ সুবিধা প্রদানের সিদ্ধান্ত;
- (গ) বিনিয়োগকারীদের প্রাপ্যতা সম্পর্কিত কর্পোরেট ঘোষণা বা অন্য কোনো তথ্য; এবং
- (ঘ) লভ্যাংশ বিতরণ পলিসি পরিবর্তন, ইত্যাদি।

৩। আইপিডিসি ফাইন্যান্স লিমিটেড এর কর্পোরেট কাঠামো পরিবর্তন সংক্রান্ত তথ্যাদি, যেমন:-

- (ক) বিদ্যমান সম্পদের ৫% বা তাহার বেশি কোনো সম্পদের অধিগ্রহণ বা অবসায়ন;
- (খ) আইপিডিসি ফাইন্যান্স লিমিটেড এর সহিত অন্য কোম্পানির একীভূতকরণ বা কোনো কোম্পানির উল্লেখযোগ্য শেয়ার অর্জন ও অধিগ্রহণ, ইত্যাদি;
- (গ) আইপিডিসি ফাইন্যান্স লিমিটেড এর কোনো ইউনিটকে বিভক্তিকরণ (Demerger);
- (ঘ) আইপিডিসি ফাইন্যান্স লিমিটেড এর কোনো ইউনিটের রূপান্তর বা অবসায়ন;
- (ঙ) ক্যাপিটাল রিঅর্গানাইজেশন বা একীভূতকরণ বা বিভক্তিকরণের মাধ্যমে কর্পোরেট কার্যক্রমের পরিবর্তন;
- (চ) কোনো কোম্পানির কর্তৃত্ব গ্রহণ (টেক-ওভার) প্রস্তাব বা অভ্যন্তরীণ সেবার অধিগ্রহণ প্রস্তাব;
- (ছ) আইপিডিসি ফাইন্যান্স লিমিটেড এর নিয়ন্ত্রণে প্রভাব ফেলতে পারে এইরূপ মালিকানার পরিবর্তন; এবং
- (জ) আইপিডিসি ফাইন্যান্স লিমিটেড এর নাম বা ঠিকানা পরিবর্তন, ইত্যাদি।

৪। আইপিডিসি ফাইন্যান্স লিমিটেড এর পুঁজি কাঠামো পরিবর্তন সংক্রান্ত তথ্যাবলি, যেমন:-

- (ক) সিকিউরিটির প্রাইভেট বা পাবলিক বা রাইটস অফার অথবা এর পুঁজি কাঠামোর পরিবর্তন সংক্রান্ত কোনো সিদ্ধান্ত;
- (খ) সিকিউরিটি বা ফান্ডের ইউনিট পরিকল্পিতভাবে পুনঃক্রয় বা রিডেমপশন;
- (গ) যে কোনো শেয়ার কনসোলিডেশন, শেয়ার বিনিময়, কোনো সিকিউরিটিকে ইকুইটি সিকিউরিটিতে রূপান্তর অথবা ঋণপত্রকে শেয়ারে রূপান্তর সংক্রান্ত সিদ্ধান্ত; এবং
- (ঘ) সিকিউরিটিহোল্ডারদের অধিকার সংক্রান্ত উল্লেখযোগ্য পরিবর্তন, ইত্যাদি।

৫। আইপিডিসি ফাইন্যান্স লিমিটেড এর ব্যবসা কার্যক্রমের সম্প্রসারণ, পরিবর্তন ইত্যাদি সংক্রান্ত তথ্যাদি, যেমন

- (ক) কোম্পানির প্রযুক্তি, উৎপাদন বা স্থাপনা সম্পর্কিত উল্লেখযোগ্য কোনো উন্নয়ন বা পরিবর্তন;
- (খ) উল্লেখযোগ্য পুঁজি বিনিয়োগ অথবা প্রতিষ্ঠানের উদ্দেশ্যের উল্লেখযোগ্য পরিবর্তন;

- (গ) উল্লেখযোগ্য নতুন চুক্তি, উৎপাদন, প্যাটেন্ট, সেবা অথবা ব্যবসায়িক পরিবর্তন;
- (ঘ) দীর্ঘমেয়াদী অনাদায়ী তহবিলের উল্লেখযোগ্য আদায়;
- (ঙ) প্রধান নির্বাহী, সিইও, সিএফও, কোম্পানি সচিবসহ পরিচালনা পর্ষদ এর পরিবর্তন বা পদত্যাগ বা পদচ্যুতি;
- (চ) বিধিবদ্ধ নিরীক্ষক বা কর্পোরেট গভর্নেন্স কমপ্লায়েন্স অডিটর, ক্রেডিট রেটিং কোম্পানির পরিবর্তন;
- (ছ) লিগ্যাল প্রসেসিংস শুরুকরণ বা রেগুলেটরী বিষয়াদির উন্নয়ন অথবা কোনো উল্লেখযোগ্য রায় বা আদেশ;
- (জ) স্টক এক্সচেঞ্জ হইতে সিকিউরিটি বা ফাল্ডের ইউনিটের তালিকাচ্যুতি বা এক ক্যাটাগরি হতে অন্য ক্যাটাগরিতে পরিবর্তন;
- (ঝ) উল্লেখযোগ্য ম্যানেজমেন্ট কন্ট্রাক্ট, ইনভেস্টরস রিলেশন এগ্রিমেন্ট, সার্ভিস এগ্রিমেন্ট, অথবা রিলেটেড পার্টি ট্রানজেকশন যাহা আর্থিক বিবরণীকে উল্লেখযোগ্যভাবে প্রভাবিত করিতে পারে এইরূপ কোনো চুক্তি;
- (ঞ) কোনো স্থায়ী সম্পত্তি ক্রয় বিক্রয়ের সিদ্ধান্ত বা প্লান্ট বা মেশিনারীর সংস্কার বা উন্নয়ন বা সম্প্রসারণ (BMRE) বা নূতন ইউনিট স্থাপন সংক্রান্ত তথ্য; এবং
- (ট) আন্তঃকোম্পানি বা সাবসিডিয়ারী বা সহযোগী প্রতিষ্ঠানের মধ্যে উল্লেখযোগ্য অগ্রিম বা ঋণ প্রদান বা গ্রহণ বা পরিচালকের সাথে ঋণ আদান-প্রদান, ইত্যাদি।

৬। আইপিডিসি ফাইন্যান্স লিমিটেড এর ঋণ ব্যবস্থাপনা সম্পর্কিত তথ্যাদি, যেমন:-

- (ক) পরিশোধিত মূলধন বা নীট সম্পদ মূল্যের মধ্যে যাহা অধিক তাহার ২৫% বা তাহার বেশি পরিমাণ ঋণ গ্রহণ ও পরিশোধ;
- (খ) উল্লেখযোগ্য সম্পদ দায়বদ্ধকরণ অথবা দায়মুক্তকরণ;
- (গ) কোনো ব্যাংক বা পাওনাদার বা ঋণপত্রের দায় বা দেনা পরিশোধে ০৬(ছয়) মাসের অধিক সময়ের ব্যর্থতা;
- (ঘ) উল্লেখযোগ্য নতুন ঋণ চুক্তি; এবং
- (ঙ) বৈদেশিক ঋণ চুক্তি বা বিনিয়োগ চুক্তি, ইত্যাদি।

৭। আইপিডিসি ফাইন্যান্স লিমিটেড এর ফাল্ড ব্যবস্থাপনা ও কাঠামো পরিবর্তন সম্পর্কিত তথ্যাদি, যেমন:-

- (ক) ফাল্ডের মেয়াদ বর্ধন-কর্তন;
- (খ) ফাল্ডের অবসায়ন;
- (গ) ফাল্ডের রূপান্তর;
- (ঘ) কোনো একক সিকিউরিটিতে ফাল্ডের ১০% বা তাহার বেশি বিনিয়োগ;
- (ঙ) কোনো উল্লেখযোগ্য বিনিয়োগ নগদায়নে লাভ বা ক্ষতি; এবং
- (চ) ফাল্ডের ট্রাস্টের গঠন, ট্রাস্ট দলিলের কোনো পরিবর্তন, ইত্যাদি।

৮। অন্যান্য, যেমন:

- (ক) কোনো গুরুত্বপূর্ণ চুক্তি স্বাক্ষর বা পূর্বে ঘোষিত/ স্বাক্ষরিত চুক্তি বাতিল বা উল্লেখযোগ্য সংশোধন;
- (খ) আইপিডিসি ফাইন্যান্স লিমিটেড এর উল্লেখযোগ্য কোনো সম্পদের ক্ষতি বা উহার ভাবমূর্তি ক্ষুণ্ণকারী কোনো ঘটনা;
- (গ) পূর্বে ঘোষিত কোনো প্রকল্প বাতিল বা উহার উল্লেখযোগ্য সংশোধন; এবং
- (ঘ) ইস্যুয়ার বা ফাল্ডের অডিটর কর্তৃক কোয়ালিফাইড প্রতিবেদন দাখিল, ইত্যাদি।